

Ìsili: Vinisili 2025

Sa Proloco de Ìsili, paris cun su Comunu de Ìsili, organizat Vinisili 2025, unu eventù punnau a s'avaloramentu de is binus de primori de s'Ìsula, chi s'at a fàiri domìngu, s'8 de làmpadas de su 2025 totu a longu de su Cursu "Vittorio Emanuele".

S'eventu at a èssiri una grandu ocasioni de atòbiu intre produtoris, apassionaus e abbisitadoris, cun sa punna de promòviri sa cultura de su binu de calidadi e fai connòsciri is cantinas chi òberant cun passioni e cumpeténtzia in su setori.

Po pigai parti, is cantinas depint presentai sa dimanda aintru de 7 diis de s'eventu; s'organizatzioni ddis at a garantiri su gazebo po sa parada, is mesas po s'esposizioni, s'umpreu a indonu de su logu pùblicu. Su tastu de su binu s'at a fàiri in is paradas de is cantinas, ma s'at a cunsiderai comente atividadi de s'A.T. Pro Loco de Ìsili e at a èssiri gestia cun billetus chi at a ispartzinai s'organizazioni etotu. A s'acabbu de s'eventu, ònnia cantina nd'at a arretirai sa cuota po is degustatzionis fatas. S'organizazioni no at a pediri peruna percentuali a pitzus de is incassus. S'abbisitadori at a arriciri unu càlix, una sachita e tres tastus de binu po unu costu de € 15. Po ònnia tastu in aciunta, su costu est de € 3 a billetu. Is cantinas ant a pòdiri bèndiri fintzas su binu a butillias in is paradas.

In is documentus in acàpiu s'agatant:

- Su cumbidu uffiziali po is cantinas, chi ammostat comenti s'at a fàiri s'iniziativa e àteras scedas organizativas;
- Su regulamentu po pigai parti a s'eventu, cun is inditus pràticus e logìsticus;
- Sa dimanda po pigai parti a s'eventu, dedicata a is cantinas;
- Su mollu po pigai parti, dedicau a is esponidoris, artesanus e hobbistas (foras che su setori de is binus)

Chini est interessau a pigai parti at a dèpiri cunfirmari s'adesioni aintru de is términis e de is maneras previdias in su regulamentu.

Po calisiat pregunta o sceda, funt a disponimentu s'indiritzu mail prolocoisili@tiscali.it o is nùmerus 347 703 6528 - 333 352 3436 - 349 623 5498;